

史

記

日者列傳第六十七

史記一百二十七

墨子曰墨子北之齊是日者日者曰帝以今日殺黑龍於北方而先生之色黑不可以北墨子不聽遂北至淄水墨子不遂而返焉日者曰我謂先生不可以北然則古人占候卜筮通謂之

日者墨子亦云非但史記也。索隱曰案名卜筮曰日者以墨所以卜筮占候時曰通名日者故也  
自古受命而王王者之興何嘗不以卜筮決于天命哉

其於周尤甚及秦可見代王之入任於卜者太卜之起

由漢興而有索隱曰周礼有太卜官此云由漢興者謂漢自文帝卜太嶽之後其卜官更興盛焉

司馬季主者楚人也索隱曰按云楚人而太史公不序其系蓋楚相司馬子期子反後姓也季主見卜於長安東市宋忠為中大夫賈誼為博士

列仙傳同日俱出洗義曰洗也相從論議誦易先生聖

人之道術究術人情相視實誼曰吾聞古之聖人

不居朝廷必在下醫之中今吾已見三公九卿朝士大

夫皆可知矣試之下數中以觀采索隱曰卜數猶術數也音所具反劉氏云

具數筮之亦通筮必以易易用大衍之數也二人即同輿而之市游於卜肆

中天新兩道少人司馬季主閒坐弟子三四人侍方辯

天地之道日月之運陰陽吉凶之本二大夫再拜謁司

馬季主視其狀貌如類有知者即禮之使弟子延之坐

坐定司馬季主復理前語分別天地之終始日月星辰

之紀基次仁義之際列吉凶之符語數千言莫不順理

宋忠賈誼瞿然而悟獵纓正襟危坐索隱曰獵纓也獵其冠纓而正其衣

憐謂變而自飾也危一作免謂俯使為敬曰吾望先生之狀聽先生之辭小

子竊觀於世未嘗見也今何居之卑何行之汙索隱曰音烏故

反司馬季主捧腹大笑曰觀大夫類有道術者今何言

之陋也何辭之野也今夫子所賢者何也所高者誰也

今何以卑汙長者二君曰尊官厚祿世之所高也賢才

處之今所處非其地故謂之卑言不信行不驗取不當

故謂之汙夫卜筮者世俗之所賤簡也世皆言曰夫卜

者多言誇嚴以得人情索隱曰謂卜者自矜誇虛高而莊嚴以得人情也

祿命以說人志擅言禍災以傷人心矯言鬼神以盡人

財厚求拜謝以私於已此言之所耻故謂之卑汙也

司馬季主曰公且安坐公見太被髮童子乎日月照之  
則行不照則止問之日月疵瑕吉凶則不能理由是觀  
之能知別賢與不肖者寡矣賢之行也直道以正諫三  
諫不聽則退其譽人也不望其報惡人也不顧其怨以  
便國家利衆爲務故官非其任不處也祿非其功不受  
也見人不正雖貴不敬也見人有汙雖尊不下也得  
不爲喜去不爲恨非其罪也雖累辱而不愧也今公所謂賢  
者皆可爲羞矣卑疵而前索隱曰疵音質纖趨而言索隱曰纖趨音纖  
纖趨音質相引以勢相導以利比周賓正徐廣曰客旅謂之貴人求長官謂之  
正以求尊譽以受公奉事私利枉主法繚農民以官爲

威以法爲機求利逆暴譬無異於操白刃劫人者也初  
試官時倍力爲巧詐飾虛功執空文以調主上用居上  
爲右試官不讓賢陳功見僞增實以無爲有以少爲多  
以求便勢尊位食飲驅馳從姬歌兒不顧於親犯法害  
民隳家此夫爲盜不操矛弧者也攻而不用弦刃者也  
欺父母未有罪而弑君未有伐者也何以爲高賢才乎盜  
賊發不能禁夷貊不服不能攝姦邪起不能塞官耗亂  
不能治四時不和不能調歲穀不孰不能適索隱曰音  
釋適猶調  
也才賢不爲是不忠也才不賢而託官位利上奉妨賢  
者處是竊位也索隱曰奉  
扶用反今者進有財者禮是僞也

子獨不見鷗梟之與鳳皇翔乎蘭芷苕蕀野蒿  
蕭成林使君子退而不顯衆公等是也述而不作君子  
義也今夫卜者必法天地象四時順於仁義分策定卦  
按式正碁徐廣曰式音拭。索隱曰按式即拭也。施轉

綢加地之辰故云按式碁皆碁

之狀正碁蓋謂下以作卦也

然後言天地之利害事

之成敗昔先王之定國家必先龜策日月而後乃敢代

正時日乃後入家產子必先占吉凶後乃有之

索隱曰謂若卜

之不祥則式不收也卜吉而後有故云有之

自伏羲作八卦周文王演三百

八十四爻而天下治越王勾踐做文王八卦以破敵國

霸天下由是言之卜筮有何負哉且夫卜筮者掃除設

坐正其冠帶然後乃言事此有禮也言而鬼神或以饗  
忠臣以事其上孝子以養其親慈父以畜其子此有德  
者也而以義置數十百錢病者或以愈且死或以生患  
或以免事或以成嫁子娶婦或以養生此之爲德豈直  
數十百錢哉此夫老子所謂上德不德是以有德今夫  
卜筮者利大而謝少老子之云豈異於是乎莊子曰君  
子內無飢寒之患外無劫奪之憂居上而敬居下不爲  
害君子之道也今夫卜筮者之爲業也積之無委藏之  
不用府庫徙之不用輜車負裝之不重止而用之無盡  
索之時持不盡索之物游於無窮之世雖莊氏之行未



能增於是也子何故而云不卜哉天不足西北星張西北移地不足東南以海爲池日中必移月滿必虧先王之道尔存尔亡公責卜者言必信不亦惑乎公見夫談上無人乎慮事定計必是人也然不能以一言說人主意故言必稱先王語必道上古慮事定計飾先王之成功語其敗害以恐喜人主之志以求其欲多言誇嚴徐  
日一作險莫大於此矣然欲疆國成功盡忠於上非此不立  
今天卜者導惑教愚也夫愚惑之人豈能以一言而知  
之哉言不猷多故騏驥不能與罷驢爲駟而鳳皇不與  
燕雀爲羣而賢者亦不與不肖者同列故君子處卑隱

以辟衆自匿以辟倫徵見德順以除羣害以明天性助

上養下多其功利不求尊譽公之等喁喁者也何知長

者之道乎宋忠賈誼忽而自失亡乎無色悵然噤口不

能言索隱曰悵音暢禁音禁劉氏音其錦反於是攝衣而起再拜而辭行

洋洋也出市門僅能自上車伏軾低頭卒不能出氣居

三日宋忠見賈誼於殿門外乃相引屏語相謂自歎曰

遠高益安勢高益危居赫赫之勢失身且有日矣夫卜

而有不筮不見奪精余廣曰音所駟案離騷經曰懷椒

神爲人主計而不審身無所處索隱曰謂者卜求神之

見奪其精米若爲人主計不審則身無所處也此相去遠矣猶天冠地履也此

計不審則身無所處也

老子之所謂無名者萬物之始也天地曠曠物之熙熙

或安或危莫知居之我與若何足預彼哉彼久而愈安

雖曾氏之義徐廣曰曾一作莊未有以異也久之宋忠使匈奴

六至而還抵罪而賈誼為梁懷王傅王墮馬薨誼不食

毒恨而死此務華絕根者也索隱曰言宋忠賈誼皆務華而喪其身是絕本根也

太史公曰古者卜人所以不載者多不見卜筮及至司

馬季主余志而著之

褚先生曰臣為郎時游觀長安中見卜筮之賢大夫觀

其起居行步坐起自動誓止其衣冠而當鄉人也有君

子之風見性好解婦來卜對之顏色嚴振未嘗見齒而

笑也從古以來賢者避世有居止舞澤者有居民間閉  
口不言有隱居卜筮間以全身者夫司馬季王者楚賢  
大夫游學長安通易經術黃帝老子博聞遠見觀其對  
二大夫貴人之談言稱引古明王聖人道固非淺間小  
數之能及卜筮立名聲千里者各往往而在得曰富為  
上貴次之既貴各各學一技能立其身黃直丈夫也陳  
君夫婦人也以相馬立名天下齊張仲曲成侯以善擊  
刺學用劔立名天下留長孺以相筮立名滎陽褚氏以  
相牛立名能以技能立名者甚多皆有高世絕人之風  
何可勝言故曰非其地樹之不生非其意教之不成夫

家之教子孫當視其所以好好會苟生活之道因而成之故  
命子足以觀士子有處所可謂賢人臣爲

郎時與太卜待詔爲郎者同署言曰孝武帝時聚會占  
衆問之某日可取婦乎五行家曰可堪輿家曰不可建  
除家曰不吉叢辰家曰大凶歷家曰小凶天人家曰小  
吉太一家曰大吉辯訟不決以狀聞制曰避諱死忌以  
五行爲主人取於五行者也

索隱述贊曰

日者之名

有自來矣

吉凶占候

著於墨子

齊楚異法

書云罕紀

後人斯繼

季主獨美

取免暴秦

此焉終否

日者  
身六十七

史記一百二十七

龜策列傳第六十八

史記一百二十八

索隱曰龜策傳有錄無書褚先生所補其叙事  
頃燕酒略與可取。正義曰史記至元成間十  
篇有錄無書而褚先生所補景武紀將相年表礼  
書樂書律書三王世家蒯成侯曰者龜策列傳  
曰者龜策言辭最鄙陋  
非太史公之本意也

太史公曰自古聖王將建國受命興動事業行嘗不寶  
卜筮以助善唐虞以上不可記已自三代之興各據禘  
祫塗山之兆從而夏啓世飛燕之卜順故殷興百穀之  
筮吉改周王王者決定諸疑參以卜筮斷以蓍龜不易  
之道也漢高氏羌雖無君臣之序亦有決疑之卜或以  
金石或以草木

徐廣曰一依其

國不同俗然皆可以戰伐攻擊

推兵求勝各信其神以知來事略聞夏殷欲卜者乃取  
蓍龜二則存去之以爲龜藏則不靈蓍又則不神至周  
室之卜官常寶藏蓍龜又其大小先後各有所尚要其  
歸等耳或以爲聖王遭事無不定決疑無不見其設稽  
神求問之道者以爲後世衰微愚不師智人各自安化  
分爲百室道散而無垠故推歸之至微要繁於精神也  
或以爲昆蟲之所長聖人不能與爭其處吉凶別然否  
多中於人至高祖時因秦太卜官天下始定兵革未息  
及孝惠其國日少呂后女主孝文孝景因襲掌故未遑  
講試雖父子疇官世世相傳其精微深妙多所遺失至



今上即位博開藝能之路悉延百端之學通一伎之士  
咸得自効絕倫超奇者爲右無所阿私數年之間太卜  
太集會上欲擊匈奴西攘大宛徐廣曰撓一作袞袞除也南收百越  
卜筮至預見表象先圖其利及猛將推鋒執節獲勝於  
彼而著龜時日亦有力於此上尤加意賞賜云或數千  
萬如丘子明之屬富溢貴寵傾於朝廷至以卜筮射蠱  
道巫蠱時或頗中素有毗睚不快因公行誅恣意所傷  
以破族滅門者不可勝數百僚蕩恐皆曰龜策能言後  
事覺窮亦誅三族夫捷策定數徐廣曰捷音達一作達○索隱曰捷謂兩  
手執蓍分而撓灼龜觀兆變化無窮是以擇賢而用占

之故云

灼龜觀兆變化無窮是以擇賢而用占

焉可謂聖人重事者乎周公卜三龜而武王有縶紂為

暴虐而元龜不占晉文將定襄王之位卜得黃帝之兆

左傳曰遇黃帝戰于阪泉之兆卒受彤弓之命獻公貪驪姬之色卜而

兆有口象其禍竟流五世楚靈將背周室卜而龜逆左傳

曰靈王卜曰余尚得天下不吉投龜詢天而呼曰是區區者而不余甲余必自取之索隱曰詢音火順反

終被乾溪之敗兆應信誠於內而時人明察見之於外

可不謂兩合者哉君子謂夫輕卜筮無神明者悖背人

道索隱曰悖音倍背音佩信禎祥者鬼神不得其正故書建稽疑

五謀而卜筮居其二五占從其多明有而不專之道也

余至江南觀其行事問其長老云龜千歲乃遊蓮葉之

上徐異曰蓮一作鎮鎮與蒼百莖共一根徐廣曰劉向

靈一本生百年而又其所生獸無虎狼草無毒螫江傍家人

常畜龜飲食之以爲能導引致氣有益於助衰養老豈

不信哉褚先生曰臣以通經術受業博士治春秋以高

第爲郎幸得宿衛出入宮殿中十有餘年竊好太史公

傳太史公之傳曰三王不同龜四夷各異卜然各以決

吉凶略闕其要故作龜策列傳臣往來長安中求龜策

列傳不能得故之太卜官問掌故文學長老習事者寫

取龜策卜事編于下方聞古五帝三王發動舉事必先

決蓍龜索隱曰此傳即太卜下有伏靈上有兔絲

上有擣

索隱曰擣音逐留反擣  
著即蕞著擣古桐字

下有神龜所謂伏靈

者在鬼絲之下狀似飛鳥之形新雨已天清靜無風以

夜捎鬼絲去之即以籬燭此地

徐廣曰籬籠也蓋然火  
而籠罩其上也有籬陳

洗止家曰  
夜籬火也

燭之火滅即記其處以新布四丈環置之明

即掘取之入四尺至七尺得矣過七尺不可得伏靈者

千歲松根也食之不死聞蒼生滿百莖者其下必有神

龜守之其上常有青雲覆之傳曰天下和平王道得而

蒼莖長丈其叢生滿百莖方今世取蒼者不能中古法

度不能得滿百莖長丈者取八十莖已上蒼長八尺即

難得也人民好用卦者取滿六十莖已上長滿六尺者

即可用矣記曰能得名龜者財物歸之家必大富至千  
萬一曰北斗龜二曰南辰龜三曰五星龜四曰八風龜  
五曰二十八宿龜六曰日月龜七曰九州龜八曰玉龜  
凡八名龜圖各有文在腹下文云云者此某之龜也  
略記其大指不寫其圖取此龜不必滿尺二十民人得  
長七八寸可寶矣今夫珠玉寶器雖有所深藏之見其  
光必出其神明其此之謂乎故玉處於山而木潤淵生  
珠而岸不枯者徐廣曰一無不字許氏說淮南以潤澤為滋潤鍾於明珠致令岸枯也  
之所加也明月之珠出於江海藏於蚌中坎龍伏之徐廣曰許氏說淮南云坎龍屬也音決○索隱曰坎龍為坎龍音龍注音決誤也  
王者得之長有

天下四夷賓服能得百莖著并得其下龜以卜者百言  
百當足以決吉凶神龜出於江水中廬江郡常歲時生  
龜長尺二寸者二十枚輸太卜官太卜官因以吉日剔  
取其腹下甲龜千歲乃滿尺二寸王者發軍行將必鑽  
龜廟堂之上以決吉凶今高廟中有龜室藏內以為神  
寶傳曰取前足臚骨穿佩之。徐廣曰臚音乃毛反臚臂  
音乃取龜置室西北隅懸之以入深山大林中不惑臣  
為郎時見萬畢。朱方傳曰有神龜在江南嘉林中  
曰按乃耳術中有石朱方嘉林者獸無虎狼鳥無鴟梟  
方中嘉林中餘云傳曰嘉林者獸無虎狼鳥無鴟梟  
草無毒螫野火不及斧斤不至是為嘉林龜在其中常

巢於芳蓮之上左脅書文曰甲子重光徐廣曰子一作于得我

者匹夫為人君有土正徐廣曰正長也諸侯得我為帝

王求之於白蛇蟠杆徐廣曰一孤反林中者齋戒以待譏然索隱

曰按林名白蛇蟠杆林龜藏其中杆音烏謂白蛇嘗蟠杆此林中也譏言求龜者齋戒以待恒譏然也

狀如有人來告之因以醺酒佗髮徐廣曰佗一作被索隱曰佗音徒我切

謂被髮也求之三宿而得由是觀之豈不偉哉故龜可不敬

歟南方老人用龜支牀足行二十餘歲老人死移牀龜

尚生不死龜能行氣導引問者曰龜至神若此然太卜

官得生龜何為輒殺取其甲乎近世江上人有得名龜

畜置之家因大富與人議欲遣去人教殺之勿遣遣之

破人家龜見夢曰送我水中無殺吾也其家終殺之殺  
之後身死家不利人民與君王者異道人民得名龜其  
狀類不宜殺也以徃古故事言之古明王聖主皆殺而  
用之宋元王時得龜亦殺而用之謹連其事於左方令  
好事者觀擇其中焉宋元王二年江使神龜使於河至  
於泉陽漁者豫且舉網得而囚之索隱曰且音子余切  
泉陽以網元龜者  
置之籠中夜半龜來見夢於宋元王曰我爲江使於河  
而幕網當吾路泉陽豫且得我我不能去身在患中莫  
可告語王有德義故來告訴元王惕然而悟乃召博士  
衛平而問之索隱曰宋元  
王之臣也曰今寡人夢見一丈夫延頸



而長頭衣玄繡之衣而乘輜車來見夢於寡人曰我爲  
江使於河而幕網當吾路泉陽豫且得我我不能去身  
在患中莫可告語王有德義故來告訴是何物也衛平  
乃援式而起徐廣曰式音勢仰天而視月之光觀斗所指定曰  
處鄉規矩爲輔副以權衡四維已定八卦相望視其吉  
凶介蟲先見乃對元王曰今昔壬子索隱曰今昔猶昨夜也  
謂昨夜宿在牽牛河水大會鬼神相謀漢正南北正義曰漢  
爲今昔大江河固期南風新至江使先來白雲壅漢萬物盡留  
斗柄指日使者當囚玄服而乘輜車其名爲龜王急使  
人問而求之王曰善於是王乃使人馳而往問泉陽令

曰漁者幾何家名誰爲豫且豫且得龜見夢於王王故  
使我求之泉陽令乃使吏案籍視圖水上漁者五十五  
家上流之廬名爲豫且泉陽令曰諾乃與使者馳而問  
豫且曰今昔汝漁何得豫且曰夜半時舉網得龜莊子得  
白龜圓五尺使者曰今龜安在曰在籠中使者曰王知子得  
龜故使我求之豫且曰諾即系龜而出之籠中獻使者  
使者載行出於泉陽之門正晝無見風雨晦冥雲蓋其  
上五采青黃雲雨並起風將而行入於端門見於東箱  
身如流水潤澤有光望見元王延頸而前三步而止縮  
頸而卻復其故處元王見而怪之問衛之白龜見寡人

延頸而前以何望也縮頸而復是何當也衛平對曰龜  
在患中而終昔囚王有德義使人活之今延頸而前以  
當謝也縮頸而卻卻亟去也元王曰善哉神至如此乎  
不可以留趣駕送龜勿令失期衛平對曰龜者是天下  
之寶也先得此龜者爲天子且十言十當十戰十勝生  
於深淵長於黃土知天之道明於上古游三千歲不出  
其域安平靜正動不用力壽蔽天地莫知其極與物變  
化四時變色居而自匿伏而不食春倉夏黃秋白冬黑  
明於陰陽審於刑德先知利害察於禍福以言而當以  
戰而勝王能寶之諸侯盡服王勿遣也以安社稷元王

曰龜甚祥靈降于上天陷於深淵在患難中以我爲賢  
德厚而忠信故來告寡人寡人若不遣也是漁者也漁  
者利其肉寡人貪其力下爲不仁上爲無德君臣無禮  
何從有福寡人不忍奈何勿遣衛平對曰不然臣聞盛  
德不報重寄不歸天與不受天奪之寶今龜周流天下  
還復其所上至蒼天天下薄泥塗還徧九州未嘗愧辱無  
所稽留今至泉陽漁者辱而囚之王雖遣之江河必怒  
務求報仇自以爲侵因神與謀淫雨不霽永不可治若  
爲枯旱風而揚埃蝗蟲暴生百姓失時王行仁義其罰  
必來此無佗故其祟在龜後雖悔之豈有及哉王勿遣

也元王慨然而歎曰夫逆人之使絕人之謀是不暴乎  
取人之有以自爲寶是不彊乎寡人聞之暴得者必暴  
云彊取者必後無功桀紂暴彊身死國亡今我聽子是  
無仁義之名而有暴彊之道江河爲湯武我爲桀紂未  
見其利恐離其咎寡人狐疑安事此寶趣駕送龜勿令  
久留衛平對曰不然王其無患天地之間累石爲山高  
而不壞地得爲安故云物或危而顧安或輕而不可遷  
人或忠信而不如誕謾徐廣曰誕一作誕音土和反。索隱曰誕音由聯切謾音漫又  
並如或醜惡而宜大官或美好佳麗而爲衆人患非神  
聖人莫能盡言春秋冬夏或暑或寒寒暑不和賊氣相

奸同歲異節其時使然故今春生夏長秋收冬藏或爲  
仁義或爲暴彊暴彊有鄉仁義有時萬物盡然不可勝  
治大王聽臣臣請悉言之天出五色以辨白黑地生五  
穀以知善惡人民莫知辨也與禽獸相若谷居而穴處  
不知田作天下禍亂陰陽相錯怱怱疾疾徐廣曰通而一作病  
不相擇妖孽數見正義曰說文云衣服謂繡草木之怪謂之妖禽獸虫蛇之怪謂之孽也  
傳爲單薄聖人別其生使無相獲禽獸有牝牡置之山  
原鳥有雌雄布之林澤有介之蟲置之谿谷故牧人民  
爲之城郭內經閭術外爲阡陌夫妻男女賦之田宅列  
其室屋爲之圖籍別其名族立官置吏勸以爵祿衣以

桑麻養以五穀耕之耨之徐廣曰音憂。正義曰耨鉏

之耨之徐廣曰耨餘草也口得所著目得所美身受其利以是

觀之非彊不至故曰田者不彊困倉不盈正義曰說文云國者謂之

困方者商賈不彊不得其贏婦女不彊布帛不精官御

不彊其勢不成大將不彊卒不使令候王不彊沒世無

名故云彊者事之始也分之理也物之紀也所求於彊

無不有也王以為不然王獨不聞玉櫝雙雉徐廣曰雉一作双

出於昆山明月之珠出於四海鑄石拌蚌徐廣曰鑄音

判。索隱傳賣於市聖人得之以為大寶大寶所在乃

為天子今王自以為暴不如拌蚌於海也自以為彊不

過鑄石於昆山也取者無咎寶者無患今龜使來抵罪  
而遭漁者得之見夢自言是國之寶也王何憂焉元王  
曰不然寡人聞之諫者福也諛者賊也人主聽諛是愚  
惑也雖然禍不妄至福不徒來天地合氣以生百財陰  
陽有分不離四時十有二月日至爲期聖人徹焉身乃  
無災明王用之人莫敢欺故云福之至也人自生之禍  
之至也人自成之禍與福同刑與德雙聖人察之以知  
吉凶桀紂之時與天爭功擁遏鬼神使不得通是固已  
無道矣諛臣有衆桀有諛臣名曰趙梁教爲無道勸以  
貪狼繫湯夏臺殺關龍逢左右悉死偷諛於傍國危於



累卵皆曰無傷稱樂萬歲或曰未央蔽其耳目與之詐

往湯卒伐桀身死國亡聽其諛臣身獨受殃春秋著之

至今不忘紂有諛臣名為左彊誇而目巧教為象郎記

曰目巧之室鄭玄曰但用目巧善將至於天又有五牀

意作室不由法受許慎曰象牙郎將至於天又有五牀

犀玉之器象箸而羹索隱曰箸音持德反則箸郎筋為

菜者用挾挾者筋也聖人剖其心壯士斬其脗脗音脛也箕子恐死

被髮佯狂殺周太子歷囚文王昌投之石室索隱曰按

歷在囚文王昌之上則近是季歷季歷不被紂將以昔

誅則其言為妄無容周更別有太子名歷也至明陰兢活之徐廣曰兢一作競與之俱亡入於周

地得太公望興卒聚兵與紂相攻文王病死載尸以行

太子發代荊號為武王戰於牧野破之華山之陽紂不

勝敗而還走圍之象郎自殺宣室徐廣曰天子之身死

不葬頭懸車軫四馬曳行寡人念其如此腸如涓湯徐廣

日涓音館一作沸是人皆富有天下而貴至天子然而

大傲欲無厭時舉事而喜高貪狼而驕不用忠信聽其諛

臣而為天下笑今寡人之邦居諸侯之間曾不如秋毫

舉事不當又安云逃衛平對曰不然河雖神賢不如崑

崙之山江之源理不如四海而人尚奪取其寶諸侯爭

之兵革為起小國見亡大國危殆殺人父兄虜人妻子

殘國滅廟以爭此寶戰攻分爭是暴彊也故云取之以

暴彊而治以文理無逆四時必親賢士與陰陽化鬼神  
為使通於天地與之為友諸侯賓服民衆殷喜邦家安  
寧與世更始湯武行之乃取天子春秋著之以為經紀  
王不自稱湯武而自比桀紂為暴彊也固以為常桀為  
瓦室世本日昆吾作陶張華博物記亦紂為象郎徵絲  
云桀作瓦蓋是昆吾為桀作也紂為象郎徵絲  
灼之務以費民索隱曰灼謂燹也燒  
絲以當薪務費人也賦斂無度殺戮無  
方殺人六畜以韋為囊囊盛其血與人懸而射之與天  
帝爭彊逆亂四時先百鬼嘗諫者輒死諛者在傍聖人  
伏匿百姓莫行天數枯旱國多妖祥螟蟲歲生五穀不  
成民不安其處鬼神不享飄風日起正晝晦冥日月並

蝕滅息無光列星奔亂皆絕紀綱以是觀之安得久長  
雖無湯武時固當亡故湯伐桀武王剋紂其時使然乃  
爲天子子孫續世終身無咎後世稱之至今不已是皆  
當時而行見事而彊乃能成其帝王今龜大寶也爲聖  
人使傳之賢士不用手足雷電將之風雨送之流水行  
之候王有德乃得當之今王有德而當此寶恐不敢受  
王若遣之宋必有咎後雖悔之亦無及已元王大悅而  
喜於是元王向日而謝索隱曰蓋欲神之以謝天之寶  
向日者天之光明著見者也  
再拜而受擇日齋戒甲乙最良乃刑白雉及與驪羊以  
血灌龜於壇中央以刀剥之身全不傷脯酒禮之橫其

腹腸荆支卜之必制其剗

正義曰

理達於理文相錯迎

使工占之所言盡當邦福重寶

徐廣曰

聞于傍鄉殺

牛取革被鄭之桐

徐廣曰牛革相爲鼓也

草木卑分化爲甲兵戰

勝攻取莫如元王元王之時衛平相宋宋國最彊邇之

力也故云神至能見夢於元王而不能自出漁者之籠

身能十言盡當不能通使於河還報於江賢能令人戰

勝攻取不能自解於刀鋒免剗剗之患聖能先知亟見

而不能令衛平無言言事百全至身而讎當時不利又

焉事賢賢者有恒常士有適然是故明有所不見聽有

所不聞人雖賢不能左畫方右畫圓日月

明而時蔽

於浮雲弄名善射不如雄渠逢門爾存已於此朱子夜

勇而射之應弦沒羽淮南子曰射者重以逢蒙門子之巧刻敵七略有逢蒙射法也禹名為辯

而不能勝鬼神柱折天故毋掾又奈何責人於全孔

子聞之曰神鬼知吉凶而骨真空枯正義曰尺蠖其骨

發聲也今日為德而君於天下辱於三足之烏月為刑

而相佐見食於蝦蟇郭璞曰蝦蟇能制虎見毛

蟇反腹者蟇惜其騰蛇之神而殆於即且郭璞曰騰蛇

意而心惡之也騰蛇之神而殆於即且郭璞曰騰蛇

似蛇大腹食蛇腦也正義曰即津日反竹外有節理

中直空虛松栢為百木長而守門閭日辰不全故有孤

虛甲乙謂之卯子丑謂之辰六甲狐龜法甲子旬中無

龜策

酉為孤寅卯為虛甲申旬中無午未午未為孤子丑為  
虛甲午旬中無辰巳辰巳為孤戌亥則為虛甲辰旬中  
無寅卯寅卯為孤申酉則為虛甲寅旬中無子丑子丑  
為孤午未即為虛亥七略有因右孤虛三十卷中正  
義曰按歲月日時孤虛並得上法也黃金有疵白玉有瑕事有所疾亦有  
所徐物有所拘亦有所據罔有所數亦有所踈人有所  
貴亦有所不如何可而適乎物安可全乎天尚不全故  
世為屋不成三瓦而陳之徐廣曰一云為屋成欠三瓦  
陳猶居也注作棟音都貢反○正義曰言以應之天天  
為屋不成欠三瓦以應天猶陳列而居之  
下有階物不全正義曰言万物及日月天地乃生也  
褚先生曰漁者舉網而得神龜龜自見夢宋元王元王  
召博士衛平告以夢龜狀平運式定日月分衡受視吉

山占龜與物色同平諫王留神龜以為國重寶矣古  
者筮必稱龜者以其令名所從來久矣余述而為傳

三月

二月

正月

正義曰言正月二月三月  
右轉周環終十二月者日

月之氣腹下十二黑點為  
十日也若二十八宿龜也

十二月

十一月

中閏  
內高

下。正義曰此等下至  
首僂大者皆卜兆之狀也

四月

索隱曰音魚兩反。  
正義曰謂兆首仰起

足開

音

盼開

索隱曰音琴盼  
謂兆足微也

首僂大

索隱  
曰僂

音免兆  
首伏也

五月

橫吉

首僂大

正義  
曰僂

音免謂兆  
首伏而大

六月

七月

八月

九月

十月

卜禁曰子亥戌不可以卜及殺龜曰中如食巳卜暮昏



通之微也

索隱曰微音叫謂微繞不明也

不可以卜庚辛可以殺及以

鑽之常以日旦校龜

索隱曰校音變又言排排洗之以水雞卵摩之而呪先以清

水澡之以卵校之

正義曰以常月朝清水洗之以雞卵摩而祝之

乃持龜而遂

之若掌以為祖

徐廣一作視。索隱曰祖法也言為嘗法耳

人若已卜不中皆被

之以卵東向立灼以荆若剛木土

徐廣曰依十。索隱曰依古之灼龜取生荆枝及生

堅木燒之新斷以灼龜按土字合依劉氏說當連下句

卵指之者三

正義曰言卜不中以上為卵三變指之三周統之用

厭不持龜以卵周環之祝曰今日吉謹以梁卵燂黃索隱

曰梁米也卵雞子也燂龜木也音父第之第言燒荆枝更

逆而灼故有燂名一亦樣言灼之以漸如有階梯也黃者

以黃綸裏梁卵以校龜也必以黃者中之色主土而信故

用雞也。正義曰燂音題燂焦也言以梁米雞卵被去龜

之不祥令灼之不焦不黃

若色焦及黃卜之不中也校去玉靈之不祥玉靈不信以

誠知萬事之情辯兆皆可占不信不誠則燒玉鑿其  
灰以徵後龜其卜必北向龜甲必尺二寸

卜先以造

徐廣曰音竈也

灼鑄

索隱曰造謂燒刑之與物若木也

鑄中已又灼

龜首各三又復灼所鑄中曰正身灼首曰正足

徐廣曰一作止

各三即以造三周龜祝曰假之玉靈夫子

索隱曰尊神龜而為之作

甕夫子玉靈荆灼而心令而先知而上行於天下行於

淵諸靈數刺

徐廣曰音策○索隱曰數音所具反刺音近策或刺是策之別名此卜策之書其字

亦無可要他皆放此

莫如汝信今日良日行一良貞

徐廣曰一作身其

欲卜某即得而喜不得而悔即得發卿我身長大手足

收人皆上偶不得發卿我身挫折中外不相應手足滅

去

靈龜卜祝曰假之靈龜五筮五靈不知神龜之靈知人死知人生其身良其欲求其物即得也頭見足發內外相應即不得也頭仰足胗內外自隨可得占

卜占病者祝曰今其病時死首上開內外交駭身仰折不死首仰足胗卜病者宗曰今病有崇無呈無崇有呈兆有中崇有內外崇有外

卜繫者出不出不出橫吉安若出足開首仰有外

卜求財物其所當得得首仰足開內外相應即不得呈兆首仰足胗

卜有賣若買臣妾馬牛得之首仰足開內外相應不得  
首仰足胗呈兆若橫吉安

卜擊盜聚若干人在某所今某將卒若干人往擊之當  
勝首仰足開身正內自橋外下不勝足胗首仰身首徐廣

曰一作內下外高

卜求當行不行行首足開不行足胗首仰若橫吉安安  
不行

卜往擊盜當見不見見首仰足胗有外不見足開首仰  
卜往候盜見不見見首仰足胗胗有外不見足開首  
仰

卜聞盜來不來來外高內下足胗首仰不來足開首仰  
若橫吉安期之自次

卜遷徙去官不去去足開有胗外首仰不去自去即足  
胗呈兆若橫吉安

卜居官尚吉不吉呈兆身正若橫吉安不吉身節折首  
仰足開

卜居室家吉不吉吉呈兆身正若橫吉安不吉身折節  
首仰足開

卜歲中禾稼孰不孰孰首仰足開內外自橋外自垂不  
孰足胗手仰有外

卜歲中民疫不疫疫首仰足胛身節有彊外不瘳身正  
首仰足開

卜歲中有兵無兵無兵呈兆若橫吉安有兵首仰足開  
身作外彊情

卜見貴人吉不吉吉足開首仰身正內自橋不吉首仰  
身節折足胛有外若無漁

卜請謁於人得不得得首仰足開內自橋不得首仰足  
胛有外

卜追亡人當得不得得首仰足胛內外相應不得首仰  
足開若橫吉安

卜漁獵得不得得首仰足開內外相應不得是胎首仰  
若橫吉安

卜行遇盜不遇遇首仰足開身節折外高內下不遇呈  
兆

卜天雨不雨雨首仰有外外高內下不雨首仰是則若  
橫吉安

卜天雨霽不霽霽首仰足開首仰不霽橫吉

命曰橫吉以占病病甚者曰不死不甚者卜曰環柔不死者  
重罪不出輕罪環出過一日不出父母傷也求財物買  
臣妾馬牛一日環得過一日不得行者不肯來首

環至過食時不至不來擊盜不行行不遇聞盜不來徙  
官不徙居官家室皆吉歲稼不孰民疾疫無疾歲中無  
兵見人行不行不喜請謁人不行不得追亡人漁獵不  
得行不遇盜雨不雨霽不霽

命曰呈兆病者不死繫者出行者行來者來市買得追  
亡人得過一日不得問行者不到

命曰柱徹卜病不死繫者出行者行來者來而市買不  
得憂者毋憂追亡人不得

命曰首仰足胗有內無外占病病甚不死繫者解求財  
物買臣妾馬牛不得行者聞言不行來者不來聞盜不



來聞言不至徙官聞言不徙居官有憂居家多災歲穰  
中孰民疾疫多病歲中有兵聞言不開見貴人吉請謁  
不行行不得善言追亡人不得漁獵不得行不遇盜雨  
不雨其霽不霽故其莫字皆爲首偁問之曰偁者仰也  
故定以爲仰此私記也

命曰首仰足胗有內無外占病病甚不死擊者不出求  
財買臣妾不得行者不行來者不來擊盜不見聞盜來  
內自驚不來徙官不徙居官家室吉歲稼不孰民疾疫  
有病其歲中無兵見貴人吉請謁追亡人不得亡財物  
財物不出得漁獵不得行不遇盜雨不雨霽不霽凶

命曰呈兆首仰足胗以占病不死繫者未出求財物買  
臣妾馬牛不得行不行來不來擊盜不相見聞盜來不  
來徙官不徙居官久多憂居家室不吉歲稼不孰民病  
疫歲中毋兵見貴人不吉請謂不得漁獵得少行不遇  
盜雨不雨霽不霽不吉

命曰呈兆首仰足開以占病病篤死數凶出求財物買  
臣妾馬牛不得行者行來者來擊盜不見盜聞盜來不  
來徙官徙居官不久居家室不吉歲稼不孰民疾疫有  
而少歲中無兵見貴人不見吉請謂追亡人漁獵不得  
行遇盜雨不雨霽小吉

命曰首仰足胗以占病不死繫者父母傷也求財物買  
臣妾馬牛不得行者不行擊盜不行來者來聞盜來徙  
官聞言不徙居家室不吉歲稼不孰民疾疫少歲中毋  
兵見貴人得見請謁追亡人漁獵不得行遇盜雨不雨  
霽不霽吉

命曰首仰足開有內以占病者死較著出求財物買臣  
妾馬牛不得行者行來擊盜行不見盜聞盜來不來徙  
官徙居官不徙居家室不吉歲孰民疾疫有而少歲中  
毋兵見貴人不吉請謁追亡人漁獵不得行不遇盜雨  
霽霽小吉不霽吉

命曰橫吉内外自橋以占病卜曰毋瘳死繫者毋罪出  
求財物買臣妾馬牛得行者行來者來擊盜合交等開  
盜來來徙官徙居家室吉歲孰民疫無疾歲中無兵見  
貴人請謁追亡人漁獵得行遇盜雨霽雨霽大吉

命曰橫吉内外自吉以占病病者死繫不出求財物買  
臣妾馬牛追亡人漁獵不遇行者不來擊盜不相見聞  
盜不來徙官徙居家室有憂居家室見貴人請謁不吉歲  
稼不孰民疫歲中無兵行不遇盜雨不雨霽不霽不  
吉

命曰漁人以占病者病者甚不死繫者出求財物買臣

妾馬牛擊盜請謁追亡人漁獵得行者行來聞盜來不  
來徙官不徙居家室吉歲稼不孰民疾疫歲中毋兵見  
貴人吉行不遇盜雨不雨霽不霽吉

命曰首仰足膝內高外下以占病病者甚不死繫者不  
出求財物買臣妾馬牛追亡人漁獵得行不行來者來  
擊盜勝徙官不徙居官有憂無傷也居家室多憂病歲  
大孰民疾疫歲中有兵不至見貴人請謁不吉行遇盜  
雨不雨霽不霽吉

命曰橫吉上有仰下有柱病久不死繫者不出求財物  
買臣妾馬牛追亡人漁獵不得行不行來不來擊盜不

行行不見聞盜來不來徙官不徙居家室見貴人吉歲  
大孰民疾疫歲中毋兵行不遇盜雨不雨霽不霽大吉  
命曰橫吉榆仰以占病不死繫者不出求財物買臣妾  
馬牛至不得行不行來不來擊盜不行行不見聞盜來  
不來徙官不徙居家室見貴人吉歲孰歲中有疾疫  
毋兵請謁追亡人不得漁獵至不得行不得行不遇盜  
雨霽不霽小吉

命曰橫吉下有柱以占病病甚不環有瘳無死繫者出  
求財物買臣妾馬牛請謁追亡人漁獵不得行來不來  
擊盜不合聞盜來來徙官居官吉不久居家室不吉歲

不孰民無疾疫歲中毋兵見貴人吉行不遇盜雨不雨  
霽小吉

命曰載所以占病環有瘳無死繫者出求財物買臣妾  
馬牛請謁追亡人漁獵得行者行來者來擊盜相見不  
相合聞盜來來徙官徙居家室惡貴人吉歲孰民無  
疾疫歲中毋兵行不遇盜雨不雨霽霽吉

命曰根格以占病者不死繫父母傷求財物買臣妾馬  
牛請謁追亡人漁獵不得行不行來不來擊盜盜行不  
合聞盜不來徙官不徙居家室吉歲穰中民疾疫無死  
見貴人不得見行不遇盜雨不雨大吉

命曰首仰足胛外高內下卜有憂無傷也行者不來病  
久死求財物不得見貴人者吉

命曰外高內下卜病不死有祟而市買不得居官家室  
不吉行者不行來者不來繫者久毋傷吉

命曰頭見足發有內外相應以占病者起繫者出行者  
行來者來求財物得吉

命曰呈兆首仰足開以占病病甚死繫者出有憂求財  
物買臣妾馬牛請謁追亡人漁獵不得行行不行來不  
來擊盜不合聞盜來來徙官居官家室不吉歲惡民疾  
疫無死歲中毋兵見貴人不吉行不遇盜雨不雨霽不



吉

命曰呈兆首仰足開外高內下以占病不死有外崇繫者出有憂求財物買臣妾馬牛相見不會行行來聞言不來擊盜勝聞盜來不來徙官居官家室見貴人不占歲中民疾疫有兵請謁追亡人漁獵不得聞盜遇盜雨不雨繫凶

命曰首仰足胗身折內外相應以占病病甚不死繫者久不出求財物買臣妾馬牛漁獵不得行不行來不來擊盜有用勝聞盜來來徙官不徙居官家室不吉歲不孰民疾疫歲中有兵不至見貴人喜請謁追亡人不得

遇盜凶

命曰內格外垂行者不行來者不來病者死繫者不出求財物不得見人不見大吉

命曰橫吉內外相自橋榆仰上柱上柱足足盼以占病病甚不死繫久不抵罪求財物買臣妾馬牛請謁追亡人漁獵不得行不行來不來居官家室見貴人吉徙官不徙歲不大孰民疾疫有兵有兵不會行遇盜聞言不見雨不雨霽霽大吉

命曰頭仰足盼內外自隨卜憂病者甚不死居官不得居行者行來者不來求財物不得求人不得吉

命曰橫吉下有柱卜來者來卜曰即不至未來卜病者過一日毋瘳死行者不行求財物不得繫者出

命曰橫吉內外自舉以占病者久不死繫者久不出求財物得而少行者不行來者不來見貴人見吉

命曰內高外下疾輕足發求財物不得行者行病者有瘳繫者不出來者來見貴人不見吉

命曰外格求財物不得行者不行來者不來繫者出不吉病者死求財物不得見貴人見吉

命曰內自舉外來正足發者行來者求財物得病者久不死繫者不出見貴人見吉

此橫吉上柱外內自舉足盼以下有求得亦不死緊  
者毋傷未出行不行來不來見人不見百事盡吉

此橫吉上柱外內自舉柱足以作以下有求得病死環  
起緊留毋傷環出行不行來不來見人不見百事吉可  
以舉兵

此挺諫有外以下有求不得病不死數起繫禍罪開言  
毋傷行不行來不來

此挺詐有內以下有求不得病不死數起留禍罪無傷  
緊出行不行來者不來見人不見

此挺詐內外自舉以下有求得病不死緊毋罪行行來

來由賈市漁獵盡喜

此狐貉以有卜求不得病死難起繫留毋罪難出可居宅可娶婦嫁女行不行來不來見人不見有夢不夢

此狐貉以下有求不得病者死繫留有抵罪行不行來不來見人不見言語定百事盡不吉

此首俯足胗身節折以下有求不得病者死留繫有罪望行者不來行行來不來見人不見

此挺內外自垂以下有求不晦病不死難起繫留毋罪難出行不行來不來見人不見不吉

此橫吉榆仰首俯以下有求難得病難起不

難出

母傷也可居家室以娶婦嫁女

此橫吉上柱足胛內自舉外自垂以下病者卜日不死其一日乃死

此橫吉上柱足胛內自舉外自垂以下病者卜日不死其一日乃死

爲人病首俯足詎有外無內病者占龜未已急死十輕失犬一日不死

首仰足胛以下有求不得以擊者罪人言語怒之母傷

行不行見人不見

大論曰

索隱曰按諸先生所取太卜雜占卦休及命兆之辭義無詳重殆無足錄也此六十七條別是

外者父也內者自我也外者女也內者男也首僂者憂大者身也小者枝也大法病者足胗者生足開者死行者足開至足胗者不至行者足胗不行足開行者求足開得足胗者不得繫者是胗不出開出其卜病也足開而死者內高而外下也

索隱述賁曰

三王異龜

五帝殊卜

或長或短

若尾若玉

其記已亡

其錄後具

江使觸網

見留宋國

神能託

不衛其足

龜策列傳第六十八

史記一百二十八